

Estimadas familias:

Transcorrida a primeira semana de confinamento e con ánimo de facer máis levadeira ésta segunda, que comeza hoxe, quero propoñer aos nenos/as diversas actividades para realizar e coas que poidades desfrutar mellor do tempo de confinamento.

O primeiro que gustaríame propoñer é a **elaboración dunha receita** pois como vos poden contar os vosos fillos/as, e para non perder o fío da clase, aos nosos amigos a fada Piruleta e ao duende Cascabel encántalles a cociña e son moi larpeiros. Por iso, a miña proposta é que cada un dos nenos e nenas da clase sexa partícipe da elaboración dunha receita doce. Seria axeitado que antes de levar a cabo esta actividade os nenos/as visualizaran o conto “Cocorico” indicado máis abaixo.

Na elaboración desta receita é desexable que tomeis algunha foto do proceso , tamén podedes axudarlle a escribir algún dos ingredientes , e a contar as cantidades dos mesmos...

Lembrede que logo, cando poidamos incorporarnos ao colexio, cada neno/a **amosará na clase a receita** que elaborou coas fotos tomadas e contaranos como a fixo e algún dos ingredientes que utilizou. Como parece que o confinamento alargárase un pouco máis de tempo, outra maneira de compartir os nosos traballos é envíalos á miña conta de correo. Eu encargareime de subilas ao blog que vos facilito para mostrar os traballos que ides facendo.

<https://elblogdelenclase.blogspot.com/>

Gustaríame tamén presentarvos **varias actividades/manualidades** para facer na casa dentro das posibilidades de cada un/unha e sempre a modo de xogo e divertimento. Con estas actividades pretendense tamén traballar diversos conceptos. Podedes facer algunha delas e enviarme algunha foto ao meu correo.

- **Xogo de números e dado.** Na aula estamos a traballar a relación dos números cos puntíños do dado. Con esta actividade podemos traballar este concepto á vez que os nenos/as participan na elaboración do

material. Adxunto exemplo de foto e ademais un enlace no que podedes encontrar tarxetas de número e puntos <https://www.pinterest.es/pin/620652392370225168/>



- **A contar tapóns** Seguramente que na casa tedes tapóns dos bebibles e zumes, podeis utilizalos para contalos e dunha forma divertida traballaredes así o conteo e a asociación do número coa cantidade.



- **Xogamos a ser creativos** Encántalles experimentar coas cores así que unha boa maneira de ser creativos é pintar desta maneira, como a imaxe que vos presento. Precisamos papel film e o podemos colocar rodeando as patas dunha mesa ou unha cadeira. Cando xa o teñamos todo listo a pintar deixando voar a vosa imaxinación!. **Ou simplemente tamén valería un debuxo libre feito con moitas cores.**



- **Xogo de laberinto** Só necesitaredes a tapa dunha caixa de zapatos e unha canica ou bola de porexpan, para marcar os camiños podedes utilizar moitos materiais (pinturas vellas, palos de madeira..., )



- **Arco da vella de cartolina.** Estes días eles poden debuxar arcos da vella para decorar a casa. Por iso, outra idea ademais da xa mostrada sería ésta traballando tamén a motricidade fina dos nenos e nenas



- **Manualidades con pedras ou pasta de modelar/plastilina**



- **Xogo de letras**

Ademais destas actividades é moi importante que sigan traballando a escritura do seu nome e poidan lembrar algúns dos nomes dos compañeiros e

compañeiras . Para iso podemos ademais de escribilo, recoñecer as letras que o forman e se é preciso contar coa axuda de tarxetas co nome ou mesmo escrito por un adulto.



Non podemos esquecernos da lectura, por iso tamén recoméndovos estes dos contos . Nun deles “Cocorico”pode servir como actividade motivadora para facer a receita de cociña. O outro “Respira” traballa as emocións.

- **Cocorico** <https://www.youtube.com/watch?v=VtyHS-t-laM> Neste enlace podedes ver ao mesmo tempo conto narrado e canción de fondo. Si vos é máis fácil, podedes quitar o són para facerlles vos mesmos a lectura  
<https://www.youtube.com/watch?v=PKgdqcJU9Bw> neste outro enlace podedes escoitar só coa canción
- **“Respira”**, para traballar a relaxación cos nenos e nenas. Deixovos un enlace para velo na rede:  
<https://www.youtube.com/watch?v=ibJFHBTWBDA>



Por último, outra actividade a facer nesta semana é un “**agasallo especial**” para os nosos/as compañeiros/as que fan anos no mes de Marzo. Unha idea é un debuxo, tamén, outra idea é colorear coas pinturas de cores as letras de “Felicidades”, “Tarta de cumpre”, “O número 4” etc...Seguro que eles teñen moitas e mellores ideas. O máis importante é o detalle, e que sepan que lembrámonos uns de outros nestes días .O vindeiro xoves 26 sería a celebración dos cumpreanos de **Niedziela, Cedric, Yago, Miguel e Julieta**. Acordaremonos moito deles e procurade enviar ao meu correo os “agasallos” antes dese día. Subireinos ao blog

Cada semana irei aportando novas ideas para que a estancia dos nenos e nenas na casa sexa o máis amena posible, espero que pronto poidamos estar todos xuntos na aula, estou desexando velos!.

Diariamente estou a vosa disposición en horario de mañana e podedes contactar comigo a través da miña conta de correo [elenagonmel@r.gal](mailto:elenagonmel@r.gal) , tamén podedes facer o seguimento das actividades da nosa clase a través do blog <https://elblogdelenclase.blogspot.com/> que actualizarei diariamente coas fotos das actividades que me enviédes ao meu correo. ¡Anímovos a todos/as a participar nel!

Tamén, gustaríame deixar unha mesaxe de ánimo para todos/as , en especial para os meus alumnos/as aos que lles debe estar sendo difícil levar esta situación. Xa queda un pouco menos!.

Un saúdo e forte aperta para todos/as.

Elena (Titora de 3 anos B)